

UPA2026/85 (UKA2025/85): Uunga siunnersuut: Nalunaaquttap aalajangersarneqarnera pillugu Inatsisartut inatsisaata allanngortinneqarneranik Inatsisartut inatsisaat (Nalunaaquttat ingerlaqatigiiffiannut allamut ikaarsaarneq, aasaanerani nalunaaquttap atorunnaarsinneqarnera)
(Inatsisartunut ilaasortaQ Qupanuk Olsen, Naleraq)

UPA2026/104 (UKA2025/104): Uunga siunnersuut: Nalunaaquttap aalajangersarneqarnera pillugu Inatsisartut inatsisaata allanngortinneqarneranik Inatsisartut inatsisaat (Nalunaaquttat ingerlaqatigiiffiannut allamut ikaarsaarneq, aasaanerani nalunaaquttap atorunnaarsinneqarnera)
(Siumut)

Akissuteqaat

(Naalakkersuisut Siulittaasuat)

Aappassaanererneqarnera

Inatsisartuni Inatsisinut Ataatsimiititaliamut nalunaaquttap aalajangersarneqarnera pillugu Inatsisartut inatsisaata allanngortinneqarnissaa pillugu inatsisissamut siunnersuutit marluk peqqissaartumik suliarisimmagittuq qjanaq.

Inatsisinut Ataatsimiititaliami amerlanerussuteqartut inatsisissamut siunnersuutit marluusut itigartinneqarnissaat inassutigaa. Peqatigisaanik ataatsimiititaliami amerlanerussuteqartut kissaatigaat Naalakkersuisut maannakkut inatsit atuuttoq tunngavigalugu, ulloq 1. januar 2027 atuutilersumik imaluunniit kingusinnerpaamik ulloq 1. januar 2028 atuutilersumik, aasaanerani nalunaaqutaq atorunnaarsissagaat. Naalakkersuisut amerlanerussuteqartut kissaatigisaat malinnialersaarneraat aappassaanerinnissamut akissuteqaamminni oqaatigissagaat, amerlanerussuteqartut Naalakkersuisunut kaammattuutigaat.

Kissaatigineqartoq Inatsisinut Ataatsimiititaliami amerlanerussuteqartut, peqatigisaanik Inatsisartuni partiinit amerlanerussuteqartunit aallartitaasut, saqqummiussaat, soorunami Naalakkersuisut ataqqivaat. Taamaattumik nalunaarummik nutaamik atuutilersitsinikkut aasaanerani nalunaaquttap atorunnaarsinneqarnissaa pillugu kissaateqarneq Naalakkersuisut naammassilersaarpaat. Allannguut ulloq 1. januar 2028 atuutilertariaqarpoq, tamatumani inuiaqatigiit piffissami naleqquttumi allanngortitsinermut piareersimasinnaanissamut pitsaanerpaamik atugassaartinneqassapput.

Taamatut oqaaseqarlutik Naalakkersuisut inassutigaa Inatsisinut Ataatsimiititaliap inassuteqaataa malinneqassasoq, taamaalilluni inatsisissamut siunnersuutit marluusut itigartinneqarnissaat inassutigineqarluni.